

جریدہ علمیہ

مشت جلید اسلامیک جریده رسمیه سید

ربیع الاول ۱۳۳۸

عدد ۵۱

آیدہ بر نشر اول نور

بشقی منہ

دارالحکمة الاسلاميه نك [اوريه نتي نيوز]

غزته نك مقاله سنه قارشو مطبوعات يومية ايله نشر ايلديكي [بياننامه در] —

دارالخلافه انكليز لسانيله انتشار ايتكمده اولان (اوريه نتي نيوز) غزته سي مقام مشيخت جليله نك صلاحيت ووظائفه دائر بر مقاله يازارق صوكننده شو ملاحظه لري يوروتيور : « الحاصل الك اوافق جهت لرينه وارانجه قدر بوتون امور دولتي و مسلمان حياتي اداره ايدن ، حتي حكومتك داخلي و خارجي سياستني تدوير ايدلن شريعتك مأموري شيخ الاسلامدر . بناء عليه عناصر مختلفه بي نظر قانونده مساوي طوتان بر مشروطيت شيخ الاسلام افدينك وضعي ايله تأليفه قطعياً امكان يوقدر . »

تاريخ عالمك شهادتيله ثابتدر كه جهان مدنيتك ، عصر لرجه سورن قانلي مجادله لردن صوكره ، قسماً الله بيلديكي مساواتي شريعت اسلاميه ده افردي ظهورنده بوتون انسانلره الك واسع بر شكلده بخش ايتمش و محاكم شريعت ، پيغمبرك (ص . ع) يكني و دامادي بولنان علي (ر . ض) ايله تبعه دن بر موسوي آره سنده يتحدث ايدن حقوقه عائد بر دعوي بي اولكنك علميه اوله رق فصل ايله مشدر .

خلفاي راشدين زماننده ، امويلرك ، عباسيلرك ، سلجوقيلرك ، عثمانيلرك ادوار شوكتنده غير مسلم تبعه نك حقوقجه مسلم تبعه نك دوننده طوتلديني نه كوريلش ، نه ده ايشيديلشدر . بك اسكي تاريخلره حقيقه نه حاجت ! حكومت عثمانيه نك دونماسي هند دكزلرنده دولاشير ، اردوسي ويانه لري محاصره ايدر كن استانبولده كي كليسالرك چا كلريني صوصد يرمق كيمسه نك خاطرنندن بيله كچمه مشيدي . غير مسلم تبعه نك دينلريني ، لسانلريني ، معيدلريني ، عادتلريني ، غنعه لريني ، جماعتلريني تماميله محافظه ايتلري دعوا مزك ، دنيا بر آره يه كلسه ، نقض ايديله ميه جك بر دليلدر .

سليم اولك هيچ اولما زسه پاي تختده كي غير مسلم تبعه يني اسلام ايله هجرت آره سنده خير براقق ايسته سي اوزرينه او زمانده مقام مشيخته بولنان زنبيللي علي افدينك « بونلرك ايكنسده شريعتك مساعده سي يوقدر » ديه رك پادشاهك تصورينه قارشو طور مش اولديني بوتون تاريخلرك مضبوطي اولان بر وقعه در .

مسئله‌ی یالکز سیاست جهتندن محاکمه ایدن شرقی ، غربی بر جوق مؤرخلر هم
ترنیللی بی هم شریعی سیاستسز لکله اتهامه قالدیشیر ایکن، بوکون عناصر آره‌سند مسواتی
ایجاب ایدن بر مشروطیتله شیخ الاسلامک موقعی ناصل تألیف اولنه بیلیر ؟ دیمک هر کسک
معلومی اولان تاریخی بر حقیقتدن تغافلدرکه بز بونی اوریه‌نت نیوز کبی مدنی بر غزته‌یه
یا قیشدیره مدق .



اولجه اوقاف هایون نظارت جلیله‌سی طرفندن اداره ایدیلن مدرسه‌الواعظین ایله
مدرسه‌الخطباء و الائمة (مدرسه‌الارشاد) نامی آئنده توحید ایدیلرک دارالحکمة الاسلامیه
ربط ایدلشدیر .

مدرسه‌الارشاد واعظین شعبه‌سی طلبه‌سک اعاشه و اکاسی دارالخلافه‌العلیه مدرسه‌سی
طلبه‌سک اعاشه و اکاسی کیدرو واعظین شعبه‌سینه هر سنه اون طلبه قبول اولنمقده و طلبه‌سینه
شهری یوز غروش ویرلکده در واعظین شعبه‌سند مدت تحصیل اوچ سنه و خطباء و ائمه
شعبه‌سند ایکی سنه در واعظین طلبه‌سی مکاتب عالیله طلبه‌سک مظهر اولدقلری حقوق و امتیازاتک
کافه‌سندن مستفید اوله جقلری کبی رؤس استحصال ایدنلر ذیل مشیختلرینه ، بری و بحری
قطعات عسکریه امامت لرینه ، ولایت ، لوا و قصبه مرکز لرنده کی واعظلقلره تعیین و وظائف
مذکوره شعبه مذکوره دن مأذون اولنلره حصرو تخصیص ایدیله جکدر .

اصالة و یا وكالة امامت و خطابت و مؤذنلک جهتلری بعدما منحصر آ خطباء و ائمه
شعبه‌سندن مأذون اولانلره عائد اوله جقدر . بو بایده قلمه آلتان نظامنامه ذردست تصدیقدر .
واعظین شعبه‌سند اوقونه جق علوم و فنونی خطباء و ائمه شعبه‌سند اوقونه جق علوم و فنونی
جاوی جدولدر .

۱ — تفسیر شریف	۱ — ترتیل قرآن کریم
۲ — حدیث	۲ — فقه
۳ — علم کلام	۳ — توحید
۴ — علم فقه	۴ — حدیث شریف
۵ — علم اصول فقه	• — بعض سور شریفه تفسیری